



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Eginhartvs De Vita Caroli Magni, Animadversionibvs Illvstratvs

Bessel, Friedrich  
Reinhard, Johann Friedrich

Helmeftadii, 1667

Caput XIX.

**urn:nbn:de:hbz:466:1-10996**

riè introducit. Decepit eadem res *Reinerum Reineccium*, de historiâ optimè meritum, qui ut defectum in annalibus observatum expleret, *Bertham* Carolo pro Sorore adjunxit, *commentar. ad Poëtam Saxonicum de Vitâ Caroli*. Idem iudicium ferri debet de illâ inscriptione, quæ Treviri in Monasterio S. Maximini extare dicitur: *Ada Ancilla Christi, Soror Caroli M.* Quæ erudite ut solet confutat *Gryphiander Weichbild. Saxon. cap. 17. §. 9.*

## CAPUT XIX.

**L**iberos suos ita censuit instituendos, ut tam filij quàm <sup>1.</sup>  
<sup>\* N. ac R. nepotes.</sup> filia primò liberalibus studiis, quibus & ipse operam <sup>2.</sup>  
dabat, erudirentur. † Tum filios, quàm primum <sup>3.</sup>  
<sup>\* MS. venationibus.</sup> venationibus exerceri fecit: filias vero lanificio assuescere; <sup>4.</sup>  
coloque ac fuso, nè per otium torperent, operam impendere, atque ad omnem honestatem erudiri iussit. † Ex <sup>5.</sup>  
iis omnibus duos tantùm filios, & unam filiam, prius quàm moreretur amisit. **CAROLVM**, qui major natus erat, & <sup>6.</sup>  
Pipinum, quem Regem Italiæ præfecerat, Rothrudim quæ <sup>7.</sup>  
filiarum ejus primogenita, & Constantino Græcorum Imperatori desponsata erat. † Quorum Pipinus unum filium <sup>8.</sup>  
suum Bernhartum, filias autem quinque Adelhaidem, Attulam, Gundradam, Bertaidem ac <sup>9.</sup>  
<sup>\* MS. Theodora.</sup> Theodoram superstites reliquit. † In quibus rex pietatis suæ præcipuum documentum ostendit, cum filio defuncto nepotem patri succedere, & neptes inter filias suas educari fecisset. † Mortes <sup>9.</sup>  
filiorum ac filia pro magnanimitate, quâ excellebat, minus patienter tulit, pietate videlicet, quâ non minus insignis erat, compulsus ad lacrimas. † Nunciato etiam sibi <sup>9.</sup>  
<sup>\* MS. in amicis.</sup> Adriani Romani Pontificis obitu, quem <sup>9.</sup>  
amicum præcipuum habebat, sic flevit ac si fratrem, aut charissimum filium amisisset. † Erat enim in amicitis optimè temperatus, ut eas & facile admitteret, & constantissimè retineret: colebatque sanctissimè quoscunque hâc affinitate sibi junxerat. † Filiorum & Filiarum tantam in educando curam

ram habuit, ut nunquam iter sine illis faceret. † Adequita-  
bant ei filii, filiaè verò pone sequebantur, quarum agmen  
extremum, ex satellitum numero ad hoc ordinati tueban-  
tur. † Quæ cum pulcherrimæ essent, & ab eo plurimum  
diligenter, mirum quod nullam earum cuiquam aut su-  
orum, aut exterorum nuptum dare voluit: sed omnes se-  
cum usque ad obitum suum in domo suâ retinuit, dicens  
se earum contubernio carere non posse: ac propter hoc li-  
cet aliàs felix, adversæ fortunæ malignitatem expertus est,  
quod tamen ita dissimulavit, ac si de iis nunquam alicujus  
proberi suspicio orta vel \* dispersa fuisset.

\*MSS. se-  
ma disp.

## ANIMADVERSIONES

## AD CAP. XIX.

U<sup>T</sup> tam filii quàm filia) Ita ex codicibus Reuberianis, & MS. Florentino legen-  
dum, probante etiam Conrado Urspergensis fol. 129. & Alberto Cran-  
tizio, qui liberos utriusque sexus litteris erudiri curasse scribit. Procul du-  
bio illustrium Romanorum morem secutus est Carolus, apud quos matro-  
næ pariter ac puellæ præceptoribus conductis instituebantur. Quam rem  
prolixè extulit Caspar Barthius *Adversariorum lib. xxii. cap. 5.* Claudianus  
*de nuptiis Honorii & Mariæ v. 233.* --- *Latos nec volvere libros, Desinit aut  
Grajos ipsâ Genetrice magistra.* Eadem consuetudo ad alias gentes quoque  
postmodum à Romanis transit. Quemadmodum videre est de Gothis,  
ex *Epistola 1. Cassiodori lib. iv.* Cæterum an ex usu fuerit feminas in artibus  
erudiri, non vanè quæsieris. Ovidio sanè non facile quis persuaserit, doctri-  
nam in scemina cum pudicitia stare posse. Juvenalis etiam odisse se erudi-  
tam puellam testatur *Satyræ vi. v. 450.* Quas & alias rationes contra  
mulierum eruditionem exaggerat Matth. Berneggerus *Quest. Miscell. 98.*  
Nihilominus & pudicas & eruditas, quæ virgines, quæ matronas, cum pri-  
sca videre secula, tum nostrum etiam Principes aliquot, virginesque Belgi-  
cas, summâ litterarum laude floruisse miratur; in quibus velut inter ignes  
Luna minores merito suo excellit *Anna Maria Schürmannia*, quæ peculiari  
*dissertatione*, plurimisque argumentis evicit; posse, ac debere femineum genus  
*ad literas discendas excitari.*

More Francorum equitare, armis ac venationibus exerceri fecit) Hæc tunc  
temporis exercitia ac progymnasmatata Principum erant, quibus ab incun-  
te età